

ОГАЗЕЯСЬКОН

Визьмо литература

Удмуртиысь Литераторъёслэн союззы уте чылкыт кабъёсты

Мария ВЕКШИНА

Удмуртиын, Писательёслэн огазеяськонзы сяна, вань на эшшо огазеяськонзы литературной союз - Удмуртиысь Литераторъёслэн огазеяськонзы. Со котыраз биня ог 40 творческой адымиосты.

Удмуртиысь Литераторъёслэн огазеяськонзы вордскыз 2001-тй арын, сое кылдытызы егит гожъяськисьёс. Али со огазея 40 пала адымиосты. Пöлазы писательёс гинэ öвöл - тодосчиос, дышетисьёс, журналистёс, суредаськисьёс, филологъёс но мукет. Кивалтисьсы - Ижысь медицина академиясь философия но гуманитарной наукаосъя кафедраен кивалтись, философия наукаосъя кандидат, кылбурчи но суредаськись Владимир Трефилов. Огазеяськонлэн вотэсбамаз - sludm.com - пырыса, кылбуръёсты, научной статьяосты лыдзиськод ке, валаськод: татын «уло» визьмо философъёс, «быръем» адымиос.

- Воштйськон вакытэ чеберлыко творчество куашканы кутскиз. Классической кабъёс «криминальной жвачкаозь», рекламной плакатозь, видеоклипозь усизы. Туала литература улонэ тырттэм пусъёсты вöлмытэ, соос адымиозьымныртэк кельто, мукетъё-



сыныз чöшкато, - вера Владимир Трефилов. - Ми талы пумит сыйськом. Огазеяськонмылэн ужпумъёсыз: чеберлыко творчестволэсь кабъёсэ утён но азинтон. «Аквилон» альманахмылэн бамъёсаз та ужпумез жутыса, ми дэмласьком ваньмызлы итйськыны милиям вераськонамы, ужамы.

Огазеяськонлэн уно пöртэм проектёсыз вань. Валтйсьез - «Аквилон» альманах потгон. Али дасяське солэн 6-тй номерез. Отын печатласько Ижын, Воткинскын, Сарапулын но элькунмылэн мукет сзрегъёсаз улйсь авторъёслэн произведенийоссы. Та туж шумпотымон, уго Удмуртиысь жуч писательёслы печатласькыны чөмысь нокутын. Вань литературной «Луч» жур-

Удмуртиысь Литераторъёслэн огазеяськонзылэн кивалтисьез В. Трефилов но секретарез Е. Лабынцева.

нал, но, жалыса верано, со араз кöня ке пол гинэ потэ, нош жуч газетъёслэн, «Удмурт дуннелэн» кадъ, литературной ватсэтъёсы öвöл. Альманах поттэм сяна, огазеяськонысь тодосчиос эскерон ужен выро, литературной улон, Удмуртиысь кылбурчиослэн творчествозы сярсы статьяос гожъяло.

Удмуртиысь гожъяськисьёслэн кыкетй огазеяськонзы вань шуыса, огласянь, паймоно: малы ми, литератураен шокась адымиос, со сярсы ум тодйське. Мукет ласянь шумпотон: огазеяськонъёс вань бере, озыен, литература эшшо но огырбугыргес пöзыны кулэ.

- Малпасько, Писательёслэн но Литераторъёслэн огазеяськонъёссылэн огъя ужпумзы: Удмуртиысь литературной улонэз радъян. Но вань пöртэмез но, - вера Владимир Александрович. - Милиям огазеяськонмы тросгес ужа егит авторъёсын, утча выль авторъёсты, егитъёслы печатласькыны луонлык сётэ, мастер-классъёс, студия радъяллы, поэтической жытгёс но фестивальёс орчытъя. Но ми Писательёслэн огазеяськонзылы пумит ум сыйське, малпасько, соос но бадзым уж берыкто.

Трос аръёс чөже огазеяськонлэн бадзым фондэз кылдйз - отын книгаос гинэ öвöл, суредъёс но, кинофильмъёс но, крезгур но. Но тужгес бадзым дун но дан, малпаськом, егит аръёсазы улоньы кошкем писательёслэн - Денис Бесоановлэн но Алексей Сомовлэн - рукописьёсы бордын. Кылем толзэе Удмуртиысь Литераторъёслэн огазеяськонзы вань узырлыкэ сөтйз Йöскалык библиотекалы - рукописьёс, документъёс тросгес лыдзисьёслэн но литературоведъёслэн киосазы мед сюрöзы шуыса.

- Мон малпасько, куке но литературоведъёс милиям огазеяськонысьтымы писательёслэн творчествозы сярсы диссертациос гожъялозы, - оске Владимир Трефилов. ***

НОБЕЛЬ ПРЕМИЯ

Япон сям, англи манер



К. Исигуро.

Мария ВЕКШИНА

Туэ литература удьсын Нобель премиен пусъёмын Англиысь япон писатель Кадзуо Исигуро. Премия сөтыку, пусъёмын вал: солэн книгаосыз мылкыдъёсты бугырто, дунне но асьмеос вискын бадзым гу шуыса валан пычато.

Кадзуо Исигуро вордйськыз 1954-тй арын Нагасаки карын, 6 аресысен улэ Великобританияын - атаезлы, океанографлы, та куньн уж сөтйзы. Соин сзрен писателез мультикультуралистъёс пöлы пыртыны луэ: со пушкын япон сям, англиеныз сураськыса, кыдамын. Кызы пусъё критикъёс, солэн романъёсыз пыро Англиысь литературалэн зарни фондаз. Озыен, выжыезъя писатель япон ке но, солэн книгаосыз, Англиысь литературалэсь сямйылолъёсэ чакласа, гожтэмын.

Литературае Кадзуо Исигуро пырыз веросъёсыныз, 1982-тй-2015-тй аръёсы поттйз 7 роман.

Солэн произведенийосаз адыми бадзым историен, тодэ ваёнъёсыныз пумиське. Кылсярсысь, со гожтэ, кызы адыми улэ Нагасаки пуштэм бере. Яке кыче малпанъёсын пумита дунне ожез. «Там, где в дымке холмы» роман вера огназ кылем Эцуко япон кышномурт сярсысь, со улэ Англиын. Эцуколэн йыраз бергало водородной бомбаен чöшкатэм, но собере выльысен улзыны кутскем Нагасаки город сярсысь малпанъёс, соос гань-гань улыны маза уг сөто. «Остаток дня» роман чильпамын Англиысь дворецкийлэн тодэ ваёнъёсызлэсь. Пересь воргорон вала, узыръёс понна ужаса, улонэз юнме быдтйз шуыса. Нош берпуметй «Погребённый великан» романаз автор ме́чак юан пуктэ: кыче дун сөтоно историысь уродзэ вунэтытон понна? ***

БУРЕ ВАЁН

Кедра Митрей сярсысь жуч повесть гожтэмын

Мария ВЕКШИНА

Ижысь «Лифт» юргын ортчиз Кедра Митрейлы сйзем лекция. Сое лыдзизы егит тодосчи Лариса Дмитриева, кылосбур наукаосъя кандидат Александр Шкляев но педагогика наукаосъя кандидат Светлана Арекеева.

Туэ Кедра Митрейлэн вордйськемез дырысен 125 ар тырмиз. Та ик лекцилэн мугез вал. Тодосчи Лариса Дмитриева вераськонзэ тазы нимаз: «Кедра Митрей 1907-тй - 1917-тй аръёсы: писательлэсь биографизэ кылдытон». Чäпак та тема борды егит тодосчи йöтске аслаз диссертацияз.

Кедра Митрей «Дитя большого века» автобиографической повестяз одйг малпан дорысь мукет малпан дорозь вуэ. Казаньысь учительской семинариэ дышетскы-

ны пырыкуз, Дмитрий Корпанов Инмарлы уг оскы вал - чäпак соку быдэс Россиян таче малпанъёс вöлмизы. Но куке со дышетйсьезлы шуэ: «Я не верю в Бога!» (чäпак та учыр бере вуоно писателез семинариысь уллязы), Кедра Митрей оскись адыми вал ни, шуэ Лариса Дмитриева. Уго со лыдзиз Лев Толстойлэсь произведенийосез но валаз: оскон - со мукет адымиосты яратон.

- 1911-тй арын ик кылдытэм «Воспоминания семинариста» очерказ Кедра Митрей гожтэ, янгышаз шуыса - Инмар вань. Соку ик мытэ «Дитя большого века» христианской пуштроро романзэ, - вера Лариса Дмитриева.

- Кедра Митрей вал туж юн адыми. Николай Кузнецовлэн «Из мрака» книгааз вань туж тунсыко гожъямъёс: Ижын допрос бере Кедра Митреез пытсало вал тюрь-

мае, нош со выль этажысен укноетй кесяське: «Вы сами бандиты!», - вера Александр Шкляев. - Историын вань огъя нюжаос. Новосибирск палгёслэн уйпалазы лагерез ортчиз писатель Заяра Весёлая, нош лымшор палаз - Кедра Митрей. Бöрысь Заяра Весёлая Москва котырысь Лыткариноын пумиське Кедра Митрейлэн кузпальныз. Собрере удмурт писатель сярсысь «С верой и надеждой» повестьсэ гожтэ.

Кедра Митрей дневникъёс нуиз, газет-журнал поттон бордын тыршиз. Та дырлы солэн тросез рукописьёсыз ышөмын. Мукетъёсыз пöртэм фондъёсы пазгыськемын - соос кыллө Национальной музейын, Удмурт кылосбуръя, финноугроведения но журналистика институтлэн библиотекаяз, Историая, кыгъя но литература Удмурт институ-

тын, Йöскалык библиотекаын. Кызы вераз Йöскалык библиотекаен кивалтйсьлэн воштйсьез Анна Семёнова, бадзым писательёслэн творчествозы кулэ кылдытыны огъя каталог, отчы мед пырозы вань фондъёсысь но архивъёсысь материалъёс.

- Удмурт литератураез Кедра Митрей кадъ кин меда жанръёсын узырмытйз. Автобиография, исторической темалы сйзем трилогия, «Зурка Вужгурт» повесть-хроника, «Секыт зйбет» роман-повесть... Капчи узыр кылын кин меда со кадъ гожъяське на, нош кыче солэн яркыт образъёсыз! - шуиз Светлана Арекеева.

Лекция огшөкчемен ортчиз - пайдаё но мур. Вераны кулэ, сое радъяз «Удмурт дунне» газет Йöскалык библиотека юртгэмъя. Оскиськом, удмурт лекциос таин гинэ уз йылпумъяське. ***